



ҚАРЖЫ ТАҒЫ ИГЕРІЛМЕДІ, НЕГЕ?



Еліміздегі бюджет тапшылығы Ұлттық қордан және сырттан алынатын қарызбен жабылып жатыр. Бұл орайда нақты экономикадан түсетін табыстың үлесі аз болып тұр. Экономиканы әртараптандырады деп жарнамасын жер жарғызып, миллиардтаған қаржы жұмсалған бағдарламалар қайда? Бес-алты жыл бұрын шенділер инновациялық-индустриялық даму бағдарламасының жемісі жайлы таңдайы тақылдап айтқанда, кереметіне сенбеске амал қалмаушы еді. Сол кездегі жоспар бойынша бүгінде еліміздің әр аймағында ашылған өндірістерден түсетін салық бюджеттің бүйірін бұлтитып қою керек болатын. Екі қолға бір күрек тауып, табысы артқан халықтың да ішкені алдында, ішпегені артында болып, мамыражай күн кешу керек еді. Алайда, олардың бірі жоқ, біз әлі сыртқа алақан жайып, ұрпаққа қажет деп жинап жатқан Ұлттық қорға қол салуымызды қоймай келе жатырмыз.

(Соңы 3-бетте)



НЕКЕ ШАРТЫ ДАУДЫҢ АЛДЫН АЛАДЫ

6-бет



ШИКИЗАТТЫ СЫРТҚА ШЫҒАРУҒА «ШЕБЕРМІЗ»

8-бет

АЛТЫН КӨПІР

ЖОҒАРҒЫ СОТТА ДИПЛОМАТТАР ПІКІР АЛМАСТЫ

Қазақстан Республикасының Жоғарғы Соты дипломатиялық миссиялар мен халықаралық ұйымдар басшылары үшін алғаш рет брифинг өткізді. Шарада шет елдер мен компаниялардың жүзге жуық өкілі Жоғарғы Сот төрағасы Жақып Асановты тыңдап, сурақтарына жауап алды. Олардың арасында АҚШ, Түркия, Қытай, Италия, Нидерланды, Франция, Египет, Беларусь, Финляндия, Грузия, Украина, Куба, Словакия, Вьетнам, Индонезия, БАӘ, Болгария, Израиль, т.б. елдердің елшілері мен елші орынбасарлары болды. Кездесуді Қазақстанның сыртқы істер министрінің орынбасары Ақан Рахметұллин жүргізді.

Реформалар оң нәтиже беруде

Шарада ұлттық сарапшы Назгүл Ергалиева сот жүйесіндегі реформалар нәтижесі туралы айтты. Реформа тәуелсіздік пен бейтараптықтың жоқтығы, сыбайлас жемқорлық, судьялардың кәсібилігі сияқты проблемаларды ашып берді. Сын объектілері ретінде олар сот жүйесіне деген қоғамдық сенім деңгейінің төмен болу себебін түсіндірді. Оларды жою үшін қабылданған шаралардан хабардар етті.

(Соңы 2-бетте)

КЕЛБЕТ

АЙ – ОРТАҚ, КҮН – ОРТАҚ, ЖАҚСЫ – ОРТАҚ



ЖАРАП ҚАЛАР» ДЕП СӨЙЛЕЙ ЖҮРІП, ТЕБЕРІК ТАРАТҚАНДАЙ ЖАЗҒАНЫН ТЕНДЕЙ ҮЛЕСТІРІП БЕРЕДІ.

Қарасаң, кеше ғана Парламентте таныстырылған жаңа заңға түсіндірме, қоғамда қызу талқыға түскен тақырыпқа жазған пікірі ақ парақта маржандай бо-

«АЙНАЛАЙЫҢДАР, АМАНСЫҢДАР МА?» ДЕГЕН АҚЖАРҚЫН ДАУЫСЫМЕН ЕЛЕҢ ЕТКІЗЕТІН АРЫҚБАЙ АҒЫБАЕВ АҒАМЫЗ РЕДАКЦИЯМЫЗДЫҢ ТҰРАҚТЫ ОҚЫРМАНЫ, БЕЛСЕНДІ АВТОРЫ. ӨМІРІНІҢ ӘР МИНУТЫН ЕРЕКШЕ БАҒАЛАЙТЫН ПРОФЕССОР ҚҰҚЫҚТЫҚ ГАЗЕТТІ ҚҰЖЫРАСЫНА ЖАЙ КЕЛМЕЙДІ. ҚОЛТЫҒЫНАН ТАСТАМАЙТЫН ЖУАН ҚАРА ПОРТФЕЛІНЕ МАҚАЛАЛАРЫН ТОЛТЫРА ЖЕТЕДІ. СОДАН КЕЙІН ЕНТЕЛЕП ТҰРҒАН БІЗДЕРГЕ «МЫНАНЫ «ЗАҢ ГАЗЕТІНЕ» ӘКЕЛДІМ, АЛ МЫНАНЫ «ЗАҢ ЖУРНАЛЫ БАСАР», «ФЕМИДА» ЖУРНАЛЫНА ДА МЫНА БІР ЕҢБЕКТІ ЖАЗЫП ҚОЙЫП ЕДІМ, ҚАЖЕТІҢЕ

лып тізіліп тұрады. Қашан үлгерген? Қалай уақыт тапқан? Біз тамсанып, мақтауға сөз таппай тұрғанда негізгі шаруасын бітірген профессор асығыс басып

шәкірттеріне кетіп бара жатады. Жақында сексеннің сенгіріне шыққалы отырған Арықбай Ағыбаевтың бұл біз байқаған бір ғана қыры. Ал ел үлгі ететін, өнеге тұтатын істері қаншама?

Дарақ бір жерден көгереді

Арықбай Нүсіпәліұлы Алматы облысы, Жамбыл ауданы, Қастек ауылында дүниеге келген. Бар болғаны 150-ге жуық шаңырақ тұратын Қастек ауылын таланттардың мекені десек қателеспейміз. Себебі, Қазақстан ғылымына үлес қосып жүрген жетпіске жуық ғылым кандидаты мен 15 ғылым докторы дәл осы қасиетті мекенде тамыр жайған. Исі қазақ мақтаныш тұтар асылдарды дүниеге әкеліп, тәрбиелеген бұл ауылдың өнегесіне, ынтымағына бас иесің. Ағыбаев та қасиетті Қастектің тумасы. Қазақстанның заң ғылымының дамуына, құқықтық саланың қазақша сөйлеуіне өлшеусіз үлес қосқан ғалым осы аядай ғана ауылдың тағылымды ұстаздарынан сауат ашып, үлкен өмірге аттанған.

(Соңы 5-бетте)

ТЕҢГЕНІ ТИІМСІЗ ЖҰМСАУДЫ ҚАШАН ТОҚТАТАМЫЗ?

Бауыржан ИСКАКОВ, Тұран-Астана университетінің профессоры, экономика ғылымдарының кандидаты:

– Бюджет қаржыларын қандай да бір әлеуметтік және тағы басқа салаларға бағыттағаннан бұрын оның экономикалық тиімділігін анықтау керек. Бізде ол қаншалықты тиімді, экономикаға әсерін тигізе ме деген сияқты сараптамалар көп жүргізілмейді. Содан кейін қаражат әртүрлі бағыттарға жұмсалады. Оған мүмкіндіктеріне сәйкес өз қаражатын жұмсайды, болмаса мемлекеттің кепілдігін қоя отырып көбінесе халықаралық қаржы институттарынан, банктерден несие алады. Біздің сыртқы қарызымыздың көбеюіне әсерін тигізетін негізінен тиімсіз инвестициялық бағыттарға жұмсалған қаражат.

Бюджет комитетінің есебі жарияланған сайын қаржының тиімсіз жұмсалуды елімізде билік органдарында ғана емес, бұқаралық ақпарат құралдарында да қызу талқыланып, түрлі сын-ескертпелер жарияланады. Алайда, айтылған, жазылған әңгіме көбіне сол күйінде қалып жатады. Бұл туралы мамандар пікірі қандай?

сол ауру. Бұдан құтылу керек. Менің ойымша, бюджет деген заң ғой. Заңдардың іске аспай жатқаны оларға бақылаудың жоқтығынан. Сондықтан Парламентте бақылау палатасы дегенді енгізу қажет.

(Соңы 3-бетте)

